



Tŷ'r Cwmnïau

— er gwybodaeth —

## Hysbyseb i Gwsmeriaid Tŷ'r Cwmnïau

Ffordd y Goron Caerdydd  
CF14 3UZ  
Ffôn 0870 33 33 636  
Ffacs 029 20380517  
DX 33050  
[www.companieshouse.gov.uk](http://www.companieshouse.gov.uk)

Ein Cyf  
Dyddiad 6ed Tachwedd 2000

### Annwyl Gwsmeriaid,

#### NEWIDIADAU WRTH ANFON FFURFLENNI STATUDOL

Rwy'n ysgrifennu atoch er mwyn rhoi gwybod am newid yn y gweithdrefnau ar gyfer ymdrin â cheisiadau am anfon ffurflenni Tŷ'r Cwmnïau.

Fel y gwyddoch, ers rhai blynyddoedd rydym wedi bod yn ateb ceisiadau cwsmeriaid am archebion mawr o ffurflenni statudol Tŷ'r Cwmnïau drwy gyfrwng y cyfleuster archebu ar Wefan Tŷ'r Cwmnïau neu drwy ffonio neu e-bostio ceisiadau i'n Canolfan Gysylltu.

Rydym wedi penderfynu tynnu'r cyfleuster hwn yn ôl am nad yw'n gost-effeithiol cynhyrchu, cadw ac anfon cymaint o bapur erbyn hyn. Caiff y cyfleuster ei dynnu'n ôl o 4 Rhagfyr 2006 ymlaen. Tan y dyddiad hwnnw, stoc gyfyngedig o ffurflenni fydd ar gael gan Dŷ'r Cwmnïau. Oherwydd hynny, mae cyfyngiadau wedi'u cyflwyno ar faint o ffurflenni a all gael eu hanfon am bob archeb.

Rydym yn argymhell yn gryf y dylai'r cwsmeriaid ffeilio gwybodaeth gyda ni yn electronig lle bo modd. Mae'n gwasanaeth GweFfeilio yn cynnig i chi a'ch cwsmeriaid ddewis gwell yn lle'n ffurflenni mwyaf cyffredin, gan gynnwys newid cyfeiriad, newid manylion cyfarwyddwyr, newid dyddiad cyfeirnod cyfrifeg a chyfrifon cwmnïau segur. Mae GweFfeilio yn cynnig cyflymder, hwylustod, gwarant bod ffurflenni'n cyrraedd a'r sicrwydd sy'n dod o gael cyfrinair electronig.

Bydd ffurflenni Tŷ'r Cwmnïau yn dal ar gael i'w lawrlwytho oddi ar ein Gwefan ([www.companieshouse.gov.uk](http://www.companieshouse.gov.uk)).

Rydym yn sylweddoli y bydd yna amgylchiadau pan na fydd gan gwsmeriaid y gallu naill ai i lawrlwytho ffurflenni oddi ar ein gwefan neu i'w ffeilio ar-lein drwy'n gwasanaeth GweFfeilio. O dan yr amgylchiadau hyn, bydd gan y cwsmeriaid y dewis o archebu copïau unigol o ffurflenni drwy gyfrwng y Ganolfan Gysylltu ar 0870 33 33 636.

Yn gywir,

Tom Smith  
Cyfarwyddwr Gwasanaethau Cwsmeriaid